


徑山藏版



明 版

嘉興大藏經

第七十冊

新文豐出版公司印行

中華民國七十六年四月台一版

版權

所有



明版
嘉興大藏經

精裝全四十冊基價一、〇〇〇元正

版藏者 徑山 藏版
發行人 高 本 劍
發行所 新文豐出版 股份有限 公司
印刷所

公司：臺北市雙園街九十六號
電話：三〇六〇七五七、三〇八八六二四
門市部：臺北市羅斯福路一段二十號八樓
電話：三四一五二九三、三四一五二九四
台北郵政三六四三信箱
登記證：局版臺業字第〇六四九號
郵政劃撥：〇一〇〇四四二六號

明版

嘉興大藏經 第一七冊目錄



一七 大佛頂首楞嚴經正脉疏十卷 科文一卷 懸示一卷 明眞鑑述 沈演等校刊……………一

卷八……………科判番刻緣起……………六七

卷九……………科文……………六八

卷一〇……………序……………八六

刊楞嚴正脉後跋……………懸示……………八七

跋……………皈依三寶請求加被偈……………一〇七

一八 大佛頂首楞嚴經圓通疏十卷 元惟則會解 明傳燈疏……………一〇九

序……………卷三……………一五三

圓通疏引用並會所經目古今書疏……………卷四……………一七四

圓通疏凡例……………卷五……………二〇三

會解叙……………卷六……………二二六

題記……………卷七……………二四八

會解所引教禪諸師名目……………卷八……………二六八

卷一……………卷九……………二九九

卷二……………卷一〇……………三二〇

一九 大佛頂首楞嚴經文句十卷 玄義二卷 明智旭撰……………三三九

卷一……………卷二……………三五八

卷三	三七五	卷九	四六四
卷四	三九二	卷一〇	四七七
卷五	四〇九	後序	四八六
卷六	四二二	重刻大佛頂經玄文序	四八七
卷七	四三五	玄義	四八八
卷八	四四九	卷上	四八八
		卷下	四九八

二〇 大佛頂首楞嚴經要解二十卷 宋戒環解 五〇九

佛像	(綿一)	卷一一	(邈一)	五五六
序	(綿一)	卷一二	(邈二)	五六〇
卷一	(綿一)	卷一三	(邈三)	五六六
卷二	(綿二)	卷一四	(邈四)	五七〇
卷三	(綿三)	卷一五	(邈五)	五七五
卷四	(綿四)	卷一六	(邈六)	五八一
卷五	(綿五)	卷一七	(邈七)	五八七
卷六	(綿六)	卷一八	(邈八)	五九二
卷七	(綿七)	卷一九	(邈九)	五九七
卷八	(綿八)	卷二〇	(邈十)	六〇〇
卷九	(綿九)	跋	(邈十)	六〇四
卷一〇	(綿十)			

二一 首楞嚴義疏注經二十卷 宋子璿集 六〇五

序	六〇五	卷二	六一〇
上王中丞書	六〇五	卷三	六一六
卷一	六〇五	卷四	六二〇

卷五	………	六二四
卷六	………	六二八
卷七	………	六三一
卷八	………	六三六
卷九	………	六四〇
卷一〇	………	六四四
卷一一	………	六四七
卷一二	………	六五〇
卷一三	………	六五四

卷一四	………	六五七
卷一五	………	六六〇
卷一六	………	六六四
卷一七	………	六六九
卷一八	………	六七三
卷一九	………	六七七
卷二〇	………	六八〇
絕筆頌	………	六八三

大佛頂首楞嚴經正脉疏卷第八

京都西湖沙門交光真鑑述
吳興沈榮為先母周氏施刊

別以詳列已竟⑤三申結互妄又二⑥一正申互具喻明

阿難如是眾生一類中亦各各具十二顛倒猶如捏目亂華發生

孤山曰各具即互具也以一一類心妄種皆具一則現起各事造餘則冥伏各理具○捏華喻其虛妄也亂發喻其互具也⑥二推結倒真成妄

楞嚴正脉卷八

顛倒妙圓真淨明心具足如斯虛妄亂想

上喻虛妄此推即真但由顛倒本真故即具足眾妄也具足者言摠括種種現互具當成一百四十四生是雖生死無邊畢竟顛倒非實而淨明真體固自若也番染成淨而進階聖位復何難哉此固對示二緣起之本意也詳示染緣起則偏成輪迴已竟⑤二詳示淨緣起則歷成諸位以真如有不變之體故能隨緣不定前既隨染緣而偏成眾生今豈不隨淨緣而偏成聖位乎分四⑥一正答因果諸位此之因果有縱有奪若縱之則前前皆為後

後之因後後俱為前前之果若奪之則惟佛為果而等覺以前皆因也故知舊註於此判證而不言修非為確論矣問約奪則因有諸位果惟一一位何以通言因果諸位乎答圓融果相從初發心即自具足何妨說諸但有性具修成之別而已分為十科⑤一漸次三位前問至何漸次得修行目斯言修習等正修行目也此中應知乾慧以前三漸次位則圓家五品十信盡攝於中乾慧以後所立十信乃是初住開出十心經文顯然蓋圓家住前不取證故不列位所以此經與華嚴皆於信位不分

十也至文再指分二④一教立位番染又分二⑤一法說

汝今修證佛三摩地於是本因元所亂想立三漸次方得除滅

觀此立位之初便以修證平言豈可分判前為修而此為證乎三摩地即經耳門三昧舊註不達經文一貫此處全不知是重敘圓通以為諸位最初方便往往別判致令經文脉絡永不通也本因亂想即前飛沉等各八萬四千也三漸除滅即教其番染成淨也⑤二喻說

如淨器中除去毒蜜以諸湯水并雜灰香洗滌其器後貯甘露

既貯毒蜜何言淨器蓋須取於本來元淨而又毒所不能染者如金玉之器是也用此根中不生滅性本來元淨而又具不變之體也毒蜜喻五辛淫殺等湯灰喻忘塵盡根甘露喻所安立聖位也三漸次法喻可了⑤二示所立之位又二⑥一徵起列名

云何名為三種漸次一者修習除其助因二者真修剋其正性三者增進違其現業

楞嚴正脉卷八

三

首二句徵起一者下六句列名每各二句皆上句明修下句明斷修指研真謂入三摩地漸取耳根圓通也斷指漸妄謂除五辛戒四重及消十二處也今初第一修習者初於聞中入流亡所時也蓋始以習學收拾循聲散心數數反聞自性而有間斷未成一片故曰修習位也如其不然則斷除五辛言除足矣而說修習者修習何事耶下二放此除其助因者寄此位以明五辛之當斷蓋五辛非惟但助姤患展轉力能引魔則何惡不至實乃四重之助因也故應於此初修即首除之第二真修

者即所入既寂動靜不生時也蓋忘動功夫入手已成一片乃至靜塵亦將漸忘故曰真修蓋自來持戒不足以當真修之名而真三摩地始克當耳剋其正性者寄此位剋別淨絕四種根本重罪乃諸惡之正性故應此位剋之良以帶四心而修禪皆似而非真必落魔鬼等道故也第三增進者即如是漸增聞所聞盡時也此與前之聞通增修字同愈無可疑且前漸次修斷異體而猶未顯明此則修斷一相更何疑異哉良以此中所修者周聞性而所斷者即根塵故違其現業者以流根奔塵

楞嚴正脉卷八

四

即名現業忘塵盡根即名為違聞此中方以忘塵盡根前二位何以遽說忘塵返聞耶答前二位漸以修學此位收功根塵圓泯非前漸習豈能逮至是哉⑥二條分別釋就分三⑥一除其助因又為三⑥一徵起

云何助因

此惟徵助因而不徵修習者以修習在前圓通中說明而列名處但表當此位以除助因而已故至此止惟徵釋助因不復重徵修習亦如道場中惟詳說戒之例也下放此⑥二詳釋又三⑥一標依

食住

阿難如是世界十二類生不能自全依四食住所謂段食觸食思食識食是故佛說一切眾生皆依食住既言十二類生即局界內不能自全者不能如法性身人無庸於食也然標必依食住者見界內眾生身命慧命安危所係修習者不可不知所檢擇而戒斷也溫陵曰四食者人間段食謂所食必有分段鬼神觸食但欲觸而飽禪天思食食至或但思之而飽識天識食既無形色但以識想欲觸謂但觸其氣也禪天無飲食法宜但取於思之而

飽仍恐但以禪悅爲思非思食物識想何異思食
殆是惟以識定續命義言以識爲食此約勝者而
言劣如地獄餓鬼歷劫但以業識不能斷命是亦
識食思食類也俟更考之也二教斷辛毒

阿難一切衆生食甘故生食毒故死是諸衆生求三
摩地當斷世間五種辛菜

無毒曰甘非非甜味也首三句舉身命安危係於
食之甘毒引明慧命所係尤宜慎擇也求三摩地
足見當於修習圓通時也五種辛菜正危慧命之
大毒故應絕之孤山曰五辛者楞伽經云慈蒜韭

薤興渠也應法師云興渠梵音訛也正云興宜慈
慙三藏云根如蘿蔔出土辛臭慈慙冬至彼土不
見其苗則此方無故不翻也三深明其過又四

一發姪增悲過

是五種辛熟食發姪生噉增悲
熟食必壯相火故發姪生噉必動肝氣故增悲佛
智所鑑不爽毫釐物性必然宜敬信而戒之④二

天遠鬼近過
如是世界食辛之人縱能宣說十二部經十方天仙
憐其臭穢咸皆遠離諸餓鬼等因彼食次舐其唇吻

常與鬼住福德日消長無利益

今以世人具齋戒者尚於食辛之人多畏避之何
況天德餓鬼欲於不淨故常親近天遠故福日消
鬼近故長無利益常見天時疫厲世人咸謂辛能
避瘟由經觀之斯蓋招瘟之端而世人業力所使
顛倒滋禍如此不可不知所警也④三無護遺魔

過
是食辛人修三摩地菩薩天僊十方善神不來守護
大力魔王得其方便現作佛身來爲說法非毀禁戒
讚姪怒癡

上天仙不聽經此聖善不護定上招餓鬼此引魔
王見過轉深也非禁戒繫縛爲小乘讀三毒無礙
爲大道則四重等無惡不造是誠助諸惡之因痛
宜戒之④四成魔愆獄過

命終自爲魔王眷屬受魔福盡墮無間獄

上皆現在惡因此屬當來苦果是則世人緣一臭
惡之味引致阿鼻極苦有何難捨而不勇斷之哉

④三結成

阿難修善提者永斷五辛是則名爲第一增進修行
漸次

一初正脈卷八

七

觀此首標修善提者而後言斷辛足見第一漸次
必無修習圓通若徒斷五辛何以速謂之增進修

行乎而又何以目爲修善提乎④二利其正性正
性謂姪殺盜妄等上之五辛但能助發於此而已

今此正彼本惡之體也分爲三④一微起
云何正性

④二詳釋又④一教令持戒又④三④一首示定
因戒生

阿難如是衆生入三摩地要先嚴持清淨戒律
反聞功夫入手方爲入三摩地所謂眞修之位見

其深於前文修習言求也然要云者承前位功
夫間斷不能入手故示特加嚴戒而後能功夫入

手得三摩地所謂因戒生定也④二次示先斷姪
殺又④三④一正教永斷

永斷姪心不殺酒肉以火淨食無噉生氣

姪殺爲諸惡上首故令先斷而後可從諸律姪須
從心止絕不飲酒頂戴昏亂毀犯不殺肉即是斷

殺六卷四重律中皆以食肉屬於殺生以火淨食
又戒殺之至也凡生鮮之物不經火者皆不敢食
示無情生長者尚不忍損況有情生活者豈忍殺

害乎問至此方斷豈前位猶許食酒肉乎答此爲
根利而自未未乘齋戒者故作如是漸斷耳若先
具齋戒者不在此例又西天權小未斷者多故令
迴心漸斷此方純乘大乘凡修行者無不先斷故

無俟後斷也④二反言決定
阿難是修行人若不斷姪及與殺生出三界者無有
是處

相生相殺未已故也④三特教觀姪

當觀姪欲猶如毒蛇如見怨賊
姪爲生殺之深源且根心慣習最難頓捨故偏令

觀之溫陵曰姪如毒蛇怨賊者能害法身殺慧命
故也④三後教漸進戒品

先持聲聞四棄八棄執身不動後行菩薩清淨律儀
執心不起

此處方全該四重四棄即姪殺盜妄而尼加觸入
覆隨亦多妨姪也執身謂禁七支猶嚴下進菩薩

律儀方細準前道場中說菩薩亦但於四重律從
心止絕一念不生爲細非三千八百也④二戒成

利益分二科④一生死解脫又④二④一斷姪殺所
脫

一初正脈卷八

九

禁戒成就則於世間永無相生相殺之業

斷姪則不相生斷殺則不相殺蓋無生殺業因則
無生殺果報也④二斷偷劫所脫

偷劫不行無相負累亦於世間不還宿債

偷謂竊取劫謂強取無負累者無負債之業累也
據經文似惟說盜吳興補大妄語及判觀行似有

理據其畧曰不妄故不還宿債以大妄語貪其供
養故約位言之此應在圓家觀行之中卽別十信
而小七賢也④二業報清淨
是清淨人修三摩地父母肉身不須天眼自然觀見

清淨人躡前持戒三摩提次表大定然定是正行戒但助行耳肉眼觀見十方卽色陰盡相後文云十方洞開無復幽暗是也按位當在初信齊小初果舊判觀行於後違經至陰魔中詳辨今並別判勿泥舊聞次四句受陰盡相後文云去住自由無復留碍又云得意生身隨往無礙今言觀佛聞法又言親奉則須親到非遙見聞而下更言得遍游界則愈與後文合也按位當在二三兩信齊小二

+

此中前半以諸戒助成正定卽觀行位後半業報

云何現美

二詳釋分爲三科(一)根塵雙泯又爲二(二)一

阿難如是清淨持禁戒人心無貪婬於外六塵不多流逸

前文屢牒三摩地而此不牒者以前初心全假戒
扶則戒相顯著而定相隱微恐人忘定故屢牒之
此中全彰旋根妙定故不勞牒定但惟牒戒爲後

定因以見因戒生定之妙旨也故首舉清淨持戒之人卽牒前半所持諸戒而特申無貪婬者固因其爲四重之首壞定之魁以警人必除之意然亦自此句下正牒後半果報中五信三果諸人以印許其力量所至也蓋五信三果則欲界九品思惑已盡豈留婬心故許其心必無貪婬也仍是忘塵極功故復許其六塵不多流逸然許其不多而不許其絕無者以根未盡而相待仍有故但以無漏而薰有漏從多漸少而已非全無漏故不全許耳全分無漏在下科中○二進獲塵忘根盡

因不流逸旋元自歸塵既不緣根無所偶返流全一
六用不行

首句躡上忘塵功夫也。蓋心無貪婬猶是戒相而塵不流逸卽顯定成但淺而非深今復躡之以進銷根性故深於前卽圓通漸增位也應是六信次下表彰反聞契性也中二句正明因忘塵而必至盡根以根全倚塵而立故也末二句結成入一忘六所謂但得六銷猶未忘一小乘涅槃正當此際羣圓通卽聞所聞盡時也按估當在第七信位齊小之四果也二妙性同彰此中三子科卽應是圓

通中證空滅之三結而前二科語不相類者以菩薩所談是解結功夫此中表彰卽彼功夫所證境界惟第三科語意全同足驗前二亦不謬矣分三

十方國土皎然清淨譬如琉璃內懸明月

此卽盡問不住所證境界首二句卽山河大地應念化爲無上知覺正由不住內自覺境法執蕩然故融及世界無復情器之分皎然洞開之貌下喻但表明徹蓋明月拄有礙物中不能透徹便如二乘但明內境不與外法融通也今菩薩覺所覺空

表裡洞徹故如月在琉璃豈有不透徹者乎此當
入信和似色自在也④二正報妙圓

此卽空覺極圓所證境界前方空智此復空空旣不爲智所勞亦不爲空所縛故身心快然極爲脫灑蓋是法身蕩然真心廓爾之意妙圓者無縛故妙無礙故圓平等有三一身量心量俱周法界二有情無情同體不分三自心生佛胎無高下此當九信相似心自枉也以身心一如身亦心也卽三諸佛理現

十一

一切如來密圓淨妙皆現其中
此則顯然全同寂滅現前但彼約自心此約佛理
二義平等也密謂秘密深固幽遠無人能到之境
也圓謂圓融交徹互攝重重無盡之境也淨謂清
淨明相精純纖塵不立之境也妙謂神妙一切變
現皆不爲礙之境也此四佛境現菩薩依正之中
此當十信相似慈雲覆涅槃海也蓋圓頓理融故
今似位全似地上耳③三許速證位
是人卽獲無生法忍從是漸修隨所發行安立聖位
此之結尾是預許後之諸位故言從是漸修卽者

速也卽獲者猶言不久當證也無生法忍卽初住
所證聖位通指徹於等覺也溫陵曰華嚴十忍第
三曰無生法忍謂不見有少法生不見有少法滅
離諸情垢無作無願安住是道名之曰忍吳興曰
此中別指初住以上名爲聖位若下文云以三增
進故能成五十五位眞菩提路（三）結成
是則名爲第三增進修行漸次

漸次三位已竟乃二乾慧一位此位分明束前漸次中所舍十信總成一信而孤山說舍十信爲乾慧理在不疑但亦有圓滿成就之意舊同前之者依因破見通

也然一切之言亦無餘二又在我執位中即是種子若法執位中乃種子所遺微細習影如畢陵之慢身子之嘆是也今過去多我位處者未來多法位細者且捨受與習氣二事若未來習氣已盡而獨憶捨受若悲願習氣出三種外亦盡未來問人任菩薩何有捨受之事答曰頓人不取變易常於分段得大自在故也此屬宿命漏盡二通五根中念根故結念任常途二信圓通尚遠今斯位即云一切圓通豈是常途在任位無疑矣又前位是深信本有佛性此位是憶念近習種性此二位所

續正脈卷八

九

以別也⑤三精進心

妙圓純真真精發化無始習氣通一精明惟以精明進趣真淨各精進心

首四句躡前二位以成就一精字初二句躡信心初句正躡解在本位次句明其積久而能化也真精者言妙圓純真之觀力漸久精明也發化者觀智強而能起鎔鑄之力用也蓋由精故化至化益精耳次二句躡念心上句正躡解在本位下句明其并前習影鎔盡無餘而皆成智慧也故曰通一精明蓋前位本有近習未融爲一至此盡鎔爲一

精明智體矣次二句躡前精字加以進字而雙以成就精進二義蓋精明即菩提體亦如如智體真淨即涅槃體亦如如理體今言以精明而進趣真淨蓋純以如如智契如如理矣問理智一如何言進趣各體雖無二而方便隨順不無趣相所謂不趣之趣性不礙修之旨也未句結名精進五根中進根也④四慧心

心精現前純以智慧名慧心任
溫陵曰妄習既盡故心精現前○前位雙兼智理而成此位別約智成上位方言轉惑習而成智慧

此惑破故真心顯現心現故菩提之體無復妄雜矣末句結名⑤五定心

執持智明周徧寂湛寂妙常凝名定心任

此位別約理成以寂照分屬寂定屬理故耳首句躡前位也前位以見心朗徹故智慧純明而此智明若無定力以執持之則妄念起而偏局不徧正念失而間斷不常所謂無寂之照如風中之燈矣故第二句明徧寂第三句明常寂皆大定之相也未句結名五根之中定根也以上屬五根如果木之種初插根於地也⑥六不退心

定光發明明性深入惟進無退名不退心

自此以下屬五力如果木結根既久有不可拔之力用也此科進力也首二句復雙躡定慧益定慧偏枯多遺退失首句定以發慧心不動而理畢現也次句慧以入定鑑既徹而定愈深也定慧互資交發無盡故有進無退末句結名⑦七護法心

續正脈卷八

二十一

夫此不覺用力故曰安然保持同前執持顯屬定門蓋進安已成定力故恒保持無所漏落如來氣分即法身氣分不出妙覺真精此亦由定境冥周故能與諸佛心精通脗末句結名護法者有二義若約保持爲護則是內護心法若約定力伏魔亦能外護佛之法輪也⑧八迴向心

覺明保持能以妙力回佛慈光向佛安住猶如雙鏡光明相對其中妙影重重相入名迴向心

此慧力也首句躡前定力所持覺體妙力即慧力也次二句蓋言前位如來氣分初接已即蒙佛慈

光攝受而尚有自他之分此則久與融一他佛慈光即已心佛慈光然不妨自他歷然故復迴此慈光仍向他佛智境朗然安住而亦實無二體然約不妨歷然故如二鏡相寫傳耀無盡蓋惟兩鏡對照影中含影即已重重不必多鏡故惟喻自他二佛而諸佛在於言外可知亦不必加末句結名回向亦有二義若向他佛是向佛道若向自佛是向真如前位二義與此位二義皆以前一義爲正而後乃餘義亦所必有也⑨九戒心

續正脈卷八

二十二

名戒心任

此信力也首句躡前位明自心與佛光脗合得佛不動之體次二句明得理次二句明不動常凝即佛大定屬心無上妙淨即大寂滅海屬境得佛此理心境恒一如也安住無爲者遠離有爲功用任持無功用道無遺失者毫髮不漏落於有爲之境總是不動之意末句結名戒心者以不犯遺失之過故名爲戒然此以一念有爲即名破戒可謂甚深戒乎又奉戒依於篤信故五力中屬信力⑩十願心

任戒自在能遊十方所去隨願名願心任

此念力也首句躡前戒心而言自在者以前位尚局不動之體至此漸發自在之用也中二句即隨願往生淨土無所留難乃得大自在之意耳結名願心屬念力者願即心念而生淨土者全憑想念故也前位任佛法身此位參佛色身又通論十心前六修自心後四合佛德矣信位十位已竟⑪四任位十位任有二意一者堅固常住意對前漸次中所舍諸信雖不同別教輕如鴻毛然亦未同斯位行念皆不退也二者生任佛家意以今現文全

顯生法王家也亦是安住華屋非同三摩提三漸次中方得入門故大科名令住因定實自斯位始矣就分爲十^①一發心住

阿難是善男子以真方便發此十心心精發輝十用涉入圓成一心名發心住

以真下二句總躡前十位之言也真即真如心也蓋真如心中本來具足十心妙用不以方便發之終不顯現故今即依本真如心方便發起十種妙心然謂之真方便者亦顯非比常途十信相似方便而已次句心精發輝者即十種心光顯現也十

用涉入圓成一心者蓋初從一心而發十用後攝十用圓成一心則十心一心安有二體且斯位元因發此十心名發心住則知離前十心無此住體又知此位合十爲一便知前位開一爲十何言非開出乎此當即如中陰體先業而初成陰體也^②

二治地住
心中發明如淨琉璃內現精金以前妙心履以成地名治地住

初句躡前所發之心而言心中發明者蓋心爲能發明之智理爲所發明之境下琉璃喻智精金喻

楞嚴正脈卷八

三十四

理而言以前妙心者即以前十用所成初住之心履以成地者智契於理令理精明結名治地住也此如中陰乘彼業力結爲境界於中妄成依止處也^③三修行住

心地涉知俱得明了遊履十方得無留礙名修行住首句躡前心地而言涉知者蓋心與地互相涉知也以心即智亦即始覺地即理亦即本覺同一覺體故曰俱得明了遊履無礙者以見之明而行之到也此如中陰見遠如在目前所去速疾山壁不礙也未句結名^④四生貴住

行與佛同受佛氣分如中陰身自求父母陰信冥通入如來種名生貴住

首句躡前修行也言與佛同者以依理起行行不越理本始同一正覺故也此如中陰與父母業同故相會合矣孤山曰分真智與究竟智等名行與佛同分證理與究竟理等名受佛氣分如中陰下以喻明之究竟權智如父實智如母任運相合各自求父母密齊果德如陰信冥通斯即乘佛遺體初託聖胎也^①五具足住

楞嚴正脈卷八

三十五

足住

首句躡前入胎而言遊者如永嘉云潛幽靈於法界又云常獨行常獨步達者同遊涅槃路此正遊道胎時節也如有福中陰處母胎見華林殿堂親奉覺胤者謂攬佛權實二智凝結聖胎也如中陰體父母赤白二陰而結凝滑等也形成不缺者謂見聞等圓通妙用具足一切方便善巧克肖於佛無所乏少如中陰六根成就克肖父母也未句結名華嚴釋名言此菩薩多諸方便善巧也^②六正心住

容貌如佛心相亦同名正心住

孤山曰容貌喻應用心相喻理智○首句躡前外貌同佛而加以內心亦同以成此正心之位然同師所謂理智同指真中二理權實二智而法界無障礙之理智亦應分同^③七不退住

身心合成日益增長名不退住
首句躡前外貌內心而言合成者謂表裏如一成佛身心也日益增長謂深以擴克漸成熟也未句結名前第六位定慧不退此相性不退也^④八童真住

十身靈相一時具足名童真住

雙躡前外身心增長至此皆已具足以十身中除善提法智爲於內心餘皆屬於外身故也溫陵曰十身者善提身願身化身力身莊嚴身威勢身意生身福身法身智身也資中曰十身靈相即虛舍那也榮開身緣覺身菩薩身如來身法身智身國上身業報身衆生身虛空身則師云溫陵所解善提身等即是資中所解如來身中之所開出者也^①九王子住

形成出胎親爲佛子名法王子住

形成二字躡前十身具足也而言出胎者以前位十身初成未大顯著至此赫奕熾盛故說出胎親爲佛子者按華嚴此位菩薩習學法王十種親密之事自善巧以至讚歎故云爾也未句結名是知九稱法王子者皆須九住後也^②十灌頂住

表以成人如國大王以諸國事分委太子彼刹利王世子長成陳列灌頂名灌頂住

首句躡前出胎之後又以長成也孤山曰表以成人堪行佛事也太子世子異其文耳春秋曰會太子於首止禮云文王世子皆太子之子也陳列灌

楞嚴正脈卷八

頂者華嚴云轉輪聖王所生太子母是正后身相具足坐白象寶妙金之座張大網縵奏諸音樂取四大海水置金瓶內王執此瓶灌太子頂是時即名受王祿位菩薩受職亦復如是諸佛智水灌其頂故名爲受大智職菩薩彼第十法雲地名灌頂菩薩今此十住亦分得也然圓教分真以來悉有應用論智力不無優劣故初住百佛世界現十界相利祐衆生位位豎入倍倍增勝經中所明各就一義若論一位具諸位功德則十義俱備十住既爾下去皆然○約位至此統界實多華嚴此位世

界衆生皆稱無數而斯經文如分委之喻似亦可分統藏海之刹種也其所謂智水灌頂者按華嚴此位菩薩其已成就及當習學共二十種智故云爾也又若對權教此齊十地而彼妙覺密齊二行於四禪天諸佛智光悉灌其頂今此位隣近而加以圓人智強故即灌頂矣溫陵曰自發心至生貴名入聖胎自方便具足至童真各長養聖胎至王子住名出胎○至此乃各灌頂王子再通上喻之如人回心初造善業後四心加人加以念佛造善淨業初在如以一生十種善淨之業開成報終往生之中陰二生如往生陰無繫縛也四生如中陰求佛接引入蓮胎也五生至八生如華中長

疏正脈卷六

三十一

養也九生如華開見佛十住如親住位十位已竟家授記也以略詳法歷然可見⑤五行位十位前十住方生佛家乃至領佛家業此十行乃攝行佛事也又大乘初心固即二利兼行而信住位中利他未勝故此經前二十四位中並無顯標度生事業今十行中利他之事漸彰顯矣以華嚴對校明是六度而後五度乃開智度爲五亦不與常途十度同也就分十⑥一歡喜行阿難是善男子成佛子已具足無量如來妙德十方隨順名歡喜行此施度也華嚴首標此菩薩爲大施主也成佛子

已躡上出胎灌頂也具足諸佛妙德者按華嚴此菩薩學習諸佛本所修行乃至演說諸佛本所修行如是十句皆言諸佛本所修行是也十方隨順者即廣行布施也華嚴云隨諸方土有貧乏處以願力故往生於彼豪貴大富財寶無盡行財施乃至身肉不吝行法施則與說三世平等乃至菩提涅槃是爲十方隨順也結名歡喜者華嚴云衆生乞求菩薩倍復歡喜曰此衆是我福田是我善友等也亦云今諸衆生歡喜滿足是也而餘文亦有體達三空不著相意無煩備引矣⑦二饒益行

善能利益一切衆生名饒益行

此戒度也華嚴此行首標護持淨戒而以不着色聲等五欲爲本乃至不生一念欲想何況從事善能利益衆生者華嚴云今一切衆生住無上戒乃至菩提涅槃又自得度今他得度乃至自快樂令他快樂凡有十句皆雙標二利故結名饒益以戒德而饒益也⑧三無瞋行

自覺覺他得無違拒名無瞋行此忍度也華嚴首標此菩薩常修忍法彼名無違進行即無違拒也凡有辱來違拒不受即是不忍

今無違拒當即是忍華嚴謂無量罵辱打辱皆能歡喜忍辱是也今言自覺覺他得無違拒者亦如華嚴云菩薩思惟自身與苦樂皆無所有即自覺也又云我當解了廣爲人說即覺他也又總結云自得覺悟令他覺悟與今經文全同皆謂覺悟毀辱虛妄應無違拒也結名無瞋行者如金剛云若有我相人相等於支解時應生瞋恨是知無瞋恨方爲真忍也⑨四無盡行

種類出生窮未來際三世平等十方通達名無盡行此進度也華嚴首標此菩薩修諸精進且自第一

疏正脈卷六

三十二

精進乃至普徧精進共十種精進種類出生華嚴謂阿鼻盡出皆得成佛皆入無餘涅槃然後自果方成夫衆生極至阿鼻成佛則盡其種類即如金剛所謂十二類生皆入無餘涅槃而滅度之謂也出生即出生諸佛也盡未來際者謂海滴剎塵盡劫苦行終無一念悔恨是也三世平等者文云但爲知三世平等性故而行精進是也十方通達者文云但爲知一切法界而行精進是也以十方即十法界故耳夫種類出生即第一心盡未來際即常心三世平等即不顛倒心十方通達即廣大心

四皆無盡故結名無盡之行然華嚴無屈撓行直表精進而已此中四種無盡見精進之殊勝也⑩五離痴亂行

一切合同種種法門得無差謬名離痴亂行此禪度也華嚴首言此菩薩心無散亂堅固不動等是也一切合同種種法門即一念定心持一切法也華嚴云能持出世諸法言說乃至能持建立受想行識自性言說又云善入一切諸禪定門知諸三昧同一體性是也得無差謬者如云菩薩聞無量法經無量劫不忘不失是也結名無癡亂

疏正脈卷六

三十三

者良以定中不能持諸法門是爲痴定於諸法門不免差謬仍是亂心今持種種法而又無差謬是痴與亂俱離也又梵語禪那此云靜慮今離痴是慮離亂是靜故屬禪度無疑⑪六善現行

則於同中顯現羣異一一異相各各見同名善現行此智度也此下五行與華嚴名雖多同而義實不類亦與常途後五度迥殊細詳乃是總一智度而開之爲五種甚深般若例如六根本惑而開見爲五也所以融前五度中萬行皆令成至德矣今此一行乃理事無礙智亦二諦融通智也同中現異

者即理不礙事亦真融通於俗也異相見同者即事不碍理亦以俗融通於真也而結名善現行者明此菩薩於一一行事理雙顯真俗並融矣⑫七無著行

如是乃至十方虛空滿足微塵一一塵中現十方界現塵現界不相留礙名無著行此事事無礙智即十玄門中廣狹無礙自在門也然亦畧舉一門而此菩薩應亦十玄並融也十方微塵現十方界者如經云華藏世界無數塵一一塵中見法界是也溫陵曰此由善現行充擴圓融

也塵中現刹名現界不壞塵相名現塵○不相留礙者界入塵而界不小是不留碍於大也塵含界而塵不大是不留碍於小也結名無著行者明此一有執著安能小大並融如此三祖云極大同小永無邊表極小同大忘絕境界永無與忘絕即無著也（八）尊重行

種種現前咸是第一波羅蜜多名尊重行

此究竟彼岸智也種種現前等躡前二無礙智而明其取證究竟自利之極果也梵語波羅蜜多此云到彼岸蓋生死為此岸涅槃為彼岸今言第一

即佛無餘大涅槃也又種種咸是者如四卷云種種變現皆合如來涅槃妙德是也然全屬般若者以前五度若無般若皆墮事相惟招果報不達涅槃今五度萬行皆以法界無障礙智融之所以皆達彼岸莫非第一波羅蜜也結名尊重行者以大涅槃是佛極果亦即如來頂相故也華嚴名難得行者行行皆到彼岸誠不易得矣（九）善法行如是圓融能成十方諸佛軌則名善法行

此軌物生解智也華嚴此行專名說法無礙如是圓融等亦躡前二無礙智而明其建立究竟利他

楞嚴正脈卷八

三十三

之教法也而諸佛軌則者即開示眾生無量法門然既躡二無碍之圓融則惟取六相十玄等所謂一字法門海墨書而不盡者也末句結名可知（十）十真實行

一皆是清淨無漏一真無為性本然故名真實行此不違實相智亦會緣入實智也一者固躡二無碍自利利他諸行而實總前九度俱該也清淨無漏謂非貪染於凡外欲有無明一真無為謂非劬勞於權小肯綮修證性本然故者作二句之由意明從性起修不妨全修即性所以清淨不屬諸

漏本然不墮有為也又解清淨無漏揀異三界有漏一真無為揀異二乘有為性本然故揀異權漸修成亦通結名真實者由無漏則非離妄修究竟成眞因也故名眞行由無為則非所作性畢竟有實果也故名實行又通論智度所開五行前二是般若之體以二法界無障礙智乃甚深般若故也次二是般若之用謂波羅蜜乃超果自利之用佛軌則乃說法利他之用故也末一攝前體用并前五度萬行總以銷歸自性會性歸元也行位十位竟至六回向十位華嚴嚴回向即是發願圭峯謂

楞嚴正脈卷八

三十四

不過三處即眾生佛道眞如也華嚴文極浩汗意多徧無三處今經文簡各有隱顯如眾生顯餘二則隱佛道眞如顯隱亦然顯者正當發揮而隱者亦以意合非全無也故此經與華嚴文雖不類而旨無不合也又華嚴位位多明菩薩修證德業故文義汪洋此經多推得各所以故文詞省約也此二經差別之意就分爲十（十一）一離相回向阿難是善男子滿足神通成佛事已純潔精眞遠諸留患當度眾生滅除度相回無爲心向涅槃路各救護一切眾生離眾生相回向

此與次位皆回向眾生也是善男子指已修十行人也滿足神通總攝前八行也蓋從初行以至第八現應現界神通已極無少欠缺成佛事已躡第九行也蓋成佛軌則即成佛事純潔精眞躡第十行也蓋清淨無漏即純潔一真無爲即精眞遠諸留患總攝十行而結定也蓋十行備成則界內不爲諸有留患界外不爲滯空留患即雙超世出世間也此上皆躡前文向下方屬本位華嚴首標六波羅蜜全同今經躡上十行之意當者正也蓋言正度眾生之時即滅度相表非前後也度即滅度

之度然此二句全同金剛經云我皆令人無餘涅槃而滅度之實無眾生得滅度者次二句乃釋成回向二字專承滅除度相而來夫既度盡眾生不取度相則同有爲行人無爲心是回入眞因也背生死途向涅槃路是趨向眞果也二句各說同成一起眞之意非以上句成就下句若作成下之意當云回入無爲以趨向涅槃良以常處有爲而不回入無爲終不能達涅槃之路故也此之十位理應圓滿中道以從賢同聖故方言度生而隨滅度相彰中道也舊註謂回眞智而向俗悲既不順其

文而亦不得其意也十向之後更當詳申結名救護眾生者如華嚴始於救離三塗而極至住佛所住當亦是破五住離二死方爲畢竟救護也未句同於滅除度相華嚴亦謂不著眾生相以至想見不顛倒是也二經旨同斯經取要言之耳（十二）二不壞回向

壞其可壞遠離諸離名不壞回向

壞即上文滅除也可壞即上文度相也諸離即上文離眾生相也蓋離眾生相時則於眾生之四相五蘊皆離故曰諸離應即是我法二空相也今復

楞嚴正脈卷八

三十五

遠離於此者蓋不畢竟取著於我法二空相也如云雖滅除度相而超乎愛見之境亦不取著二空而壞乎度生之悲華嚴云雖知一切法空寂而不於空起心念是也結名不壞者即不壞度生事業也華嚴此位依舊廣興布施是也合上位論之上位言雖度生而不著生相此位言雖不著相而不妨度生正悲智雙運自他二利之中道也（十三）三等佛回向本覺湛然覺齊佛覺名等一切佛回向此下四位皆回向佛道也此位先明智同佛智益

即本覺智同佛究竟覺智也本覺湛然者心佛顯現覺海澄停如華嚴謂廣大清淨是也覺齊佛覺者謂與一切如來心精通昭稱合妙覺法身圓滿無二結名等一切佛者謂與諸佛法身平等所謂我與如來寶覺真心無二圓滿也④四至處回向精真發明地如佛地名至一切處回向

此位次明境同佛境蓋即因地境界同佛果地境界也精真即本覺體發明即發揮妙用地如佛地者正表發揮自己因地心中所含無邊境界全同諸佛果地理上所現無量刹土也結名至一切處

楞嚴正脈卷八

三十七

者即盡佛境界之意華嚴此位說菩薩廣修供養徧至佛處而後言三業普入一切世界以作佛事乃至於一毛孔中普入一切世界等是也⑤五無盡回向

世界如來互相涉入得無罣礙名無盡功德藏回向此躡前二位而成互融也世界即所至之處如來即所等之佛前二位中猶分自他故說自覺佛覺自地佛地今此融一不分故但言世界如來即自他渾具也互涉之意如云以世界而涉如來則一毛孔中有無量寶刹莊嚴微妙以如來而涉世

界則一一微塵內有無量如來轉大法輪得無罣礙者言世界正涉如來時不碍如來即入世界如來正涉世界時不碍世界即入如來問前二位中元以智境分釋似以性相為對今既雙承何又變為依正互涉之對耶答佛於智同之位結名處即言等一切佛已即取於證智人身故此位但承二結名語以言如來身與世界涉也若取智性與境相對言則一無形一有形說涉不便況依正之相非智性不融故說互融時智性在其中矣結名無盡功德藏者以佛身佛界各具無量莊嚴備表無

盡功德故云爾矣華嚴明此菩薩以普賢大願行為根本以華藏無邊世界莊嚴顯功德故其文如雲如林此經乃復言簡而盡義富而妙矣乎⑥六平等回向

於同佛地地中各各生清淨因依因發揮取涅槃道名隨順平等善根回向

此佛地即躡前功德之藏菩薩証此即同如來果地則是因前已先具足佛果蓋圓頓上乘先以頓同如來果地法應爾也地中各各者以此藏中功德無盡如六度萬行萬德莊嚴皆其本有故言各

各爾生清淨因者依彼本有一一隨緣各起無修之修譬如依金造器器皆金豈不純一清淨故云生清淨因依因發揮取涅槃道者蓋前則從果生因此復乘因起果實乃因果互徹性修雙即之旨也涅槃是佛究竟極果故此地與前住位所履之地不同彼是自心理地此是如來果地結言隨順平等者順自心與佛心平等也足見不違自心與佛果地全同不是從果修因者皆非順性之修言善根者表此方是成佛真因必生實果矣華嚴名堅固善根文與斯經稍不類多言布施身命回

楞嚴正脈卷八

三十九

向眾生而已⑦七等觀回向

真根既成十方眾生皆我本性性圓成就不失眾生名隨順等觀一切眾生回向

此位文似回向眾生而實是回向佛道首句躡上清淨因及平等善根即真根也此根全修即性而此性攝盡眾生故曰皆我本性然我根既成眾生齊成故曰性圓成就成就真根即成就佛道也不失眾生者以若觀見生非心外一成皆成則無生可度失大悲心不可也菩薩雖見自他圓成不妨仍度苦惱眾生是以華嚴此位依舊廣行二施

結言隨順等觀者順自心與生心平等也足知不見一成一切皆成不於成就而仍行悲度者皆非隨順自性也然謂之等觀眾生者觀其自他同根而仍以見智悲無碍而已合前位則心佛眾生三無差別之理彰矣⑧八真如回向

即一切法離一切相惟即與離二無所著名真如相回向

此下三位皆回向真如也即一切法者如華嚴初文不過世出世間諸法所謂世界眾生法門業行等也離一切相者即後文云不著世間不取眾生

楞嚴正脈卷八

四十一

知一切法無有自性皆悉寂滅等也即離無著者如後文又廣陳譬如真如一百七十相細詳其意但以此經不即不離似便該盡足見斯經以約收博之妙蓋不著即超有也不著離超空也乃雙超空有之中道也華嚴於真如相後說十平等即中也結名真如相者真如以無著為相故也若準前相躡而解則前之度生成佛攝盡萬法即一切法也離眾生相同本來佛離一切相也下方是本位於此即離二無所著方契真如相矣足見入理轉深之意⑨九解脫回向

真得所如十方無礙名無縛解脫回向

首句躡二無著已得與真如一相也十方即十法界也無礙即法界無障礙大解脫蓋前位理無礙此位則理事事事二無礙也華嚴以六十二番無著無縛解脫心修普賢行彌滿法界且得一百五十六種甚微細智其餘法界安往而不自在乎結名無縛解脫者即入法界不可思議解脫良以前位方得離繫解脫此位轉得自在解脫故結名⑩

十無量回向

性德圓成法界量滅名法界無量回向

首句躡前二位而來蓋無著獲性德之全體無礙獲性德之大用體用備具故言性德圓成若依孤山所謂三德妙性圓成亦躡前合後則無著即般若無礙即解脫無量即法身矣法界量減者良由體無不備而用無不周是以一塵一毛皆等法界無復限量是則量減者即無量也華嚴此位事以法施善根莊嚴一切佛刹從徧法界無量自在身乃至徧法界無量利生善根共二十句皆言法界無量復有在法界無量及安住法界無量共二十六句皆法界量減之意結名可知問入結真如九

十不結何以俱言回向真如答九之無礙十之無量皆具如相故三同一處也三處雖以區分而實位位圓滿中道一悲不礙智二智不壞悲三本妙合覺四因果同地五依正互融六性修雙即七自他同根八即離雙超九真俗自在十體用圓極所以華嚴說位至此動地雨花諸天供養讚頌也又此名位在別教稱為外凡而此圓實位中自初住已即齊彼地上至此更超彼佛一十八位大非別教所仰視也回向十位已竟○七加行四位構李曰據瓔珞等經皆不別列四加行位若惟識等論

楞嚴正脈卷八

四十二

則以地前四十心為外凡資糧位十回向後別明煖等為內凡加行位焉吳興謂借別名圓者名意畧同而實不同也惟識謂加行者加功用行以近初地見道從凡入聖是大關節須加功行此即各意畧同之處問此經佛判六十聖位何同惟識復分凡聖答與奪同別二俱無碍若約圓初頓悟本佛故與其同是聖位若判淺深則信解之視真修不妨有凡聖之別但此回凡已超別聖遠矣分為二○一結前起後阿難是善男子盡是清淨四十一心次成四種妙圓

加行

溫陵曰四十一心者乾慧一信住行向各十小乘通教皆有四加而非妙非圓故此特標妙圓加行○以先悟本成而後起無修証之修証故曰清淨然特謂之妙圓者以從初位至於住滿雖皆純用中道而文中未嘗顯言利生之事是則趣真之智居多十行位中始以明言度生是則出俗之悲最勝十回向文中顯然真俗互融悲智等運位位願願圓滿中道故今躡十向而談加行最為妙圓謂於諦理非三非一曰妙即一即三曰圓問華嚴位

楞嚴正脈卷八

四十三

位俱有度生何無真俗中之次第答二皆佛言各有所至當互發明前不云乎華嚴演功業故詞泛廣而渾同楞嚴原立名故詞切要而區別相資而不相礙也問既由純中而趨真出俗又由真俗而圓滿純中即應極証此位何以復加而十地何以復修乎答十信似修而實但滿其信心三賢似修而實但極其解心皆非真修也今信解滿極將入真修故說加行矣是則尚非真修豈可輒言証極乎問信前豈無信解修耶答皆似信似解而已縱有修相亦但發似信似解之功夫耳尚非似修豈

濫真修又未入五品與既入之位復有散定二心之別然則進修次第思過半矣夫歷六十而均稱聖位者尊其頓悟也列十科而區分諸位不廢修成也達性修之無礙者斯可與議道哉○二別明四位此異惟識位位各有能發定所發觀及所親法今詳經文但以心佛二字對辨四句而成四位蓋是以心攝眾生以佛攝真如即是總躡前三處也不止第十開出就分四○一煖地位即以前覺用為已心若出未出猶如鑽火欲然其木名為煖地

據相攝之義固十向總躡據顯然之文仍有別躡之處此位似躡覺齊佛覺而來則師云前之佛覺雖曰能齊未能正証今將趨聖果故即用佛覺為已因心復加功行以求正証初入因位未即得果故譬鑽火方得煖相○前但發願希求此則實用進取又前佛見未忘未能泯為已心此方泯佛見而但惟一心猶云佛即心也因位即指本位果則指初地也○創觀名義自性差別皆空而巳○二頂地位

又以已心成佛所履若依非依如登高山身入虛空

下有微礙名為頂地

此位似躡地如佛地而來以所履即地相也吳興曰依煖地心修佛果智智觀於心故如足履地心相垂盡故若依非依高山喻當位之心虛空喻所依之理○心相未盡故下微礙礙至於微明心相無多也蓋前位佛見雖泯心見猶存至此則復泯心相而但惟一覺猶云心即佛也○三忍地位此位但以總承前二位雙存心佛故曰二同猶云

楞嚴正脈卷八

四十五

即心即佛也因果交徹故曰善得中道溫陵謂因果兩忘乃濫下位矣其以將証未証配非懷非出不差於忍事而言非懷非出者蓋既能容忍非如常人之懷恨故曰非懷然尚存忍受非如至人之頓忘故曰非出其於所忍之事將忘未忘比於忍地菩薩將證未證恰相似也○四世第一位數量銷滅迷覺中道二無所目名世第一地首句標此亦總承前三位而雙泯心佛故曰數量銷滅蓋有心有佛因果位別皆是數量此則方是

因果兩忘猶云非心非佛也次二句釋數銷也以迷覺二字雙貫下之中道然迷中道者非謂迷了中道蓋迷即未覺位也故迷中道者即未覺位中因人所修之中道耳覺中道者亦非謂覺了中道蓋覺即大覺位也故覺中道者即大覺位中果所證之中道也是則迷中道仍是菩薩因心覺中道仍是佛之果智於此二無所目者蓋下不見自心上不見佛智而心佛兩忘不存數量於世間法中最高第一是顯登地方為出世成佛方為出世第一也

釋義疏卷八

四十六

即是心次位心即是佛三位即心即佛四位非心非佛故不離心佛二字而四位章章矣然此中特有三意一令人就明惟識以彼名既同此安可不別三明此深彼淺蓋彼初地方齊此之初位故彼心中定慧根力而實備同與此同此四觀舉似十已超彼佛一十八位之上豈可同年語哉又孤山謂此十向開出義亦無差理猶未盡蓋凡進證一位必有人住出之三心今四加在何地兩極之際應是十向出心而初地人心倘不另開合前合後無不可者後之等覺金剛放此推之加行四位已竟八地上十位溫陵曰十地者蘊積前法至於

成實一切佛法依此發生故謂之地也○約此則有二義一者成實義蓋地以堅實為體故也二者發生義蓋地以發生為用故也據前四卷末如來但立因果二地云得元明覺無生滅性為因地心然後圓成果地修證則是但以初住圓通本心為因地而以佛究竟妙覺為果地中間皆圓成果地之位也今考禪那聖位本文二住即名治地而以前妙心履以成地又回向第四云精真發明地如佛地至四加位位稱地此皆因地也蓋地亦訓階良以十地方是真因而地前說地乃此真因

之階地也今此十地應亦果地攝也雖佛地方是真果而此十地乃進証真果之階地也又以修証而言則十地既稱真修影顯地前皆是似修佛位既是真証則十地但惟似證是則初心究竟理雖顯同而歷位淺深序仍不濫圓融行部二無礙矣就分為十科一歡喜地阿難是善男子於大善提善得通達覺通如來盡佛境界名歡喜地大善提者五善提中應是無上善提據本經四卷佛自結名無上善提者乃以非一切即一切及雙

離雙即三如來藏為全體以又多指即大小無礙乃至徧包融攝為大用是也此位方以通達而未證極仍是明心善提見道位也前三有眾生出世二乘以所知心不能測度今則惟許此位菩薩不惟通達而且善通達也然此二句似方標定次第二句乃釋此也覺通如來者即自心本覺與佛心妙覺圓融無二所謂惟妙覺明圓照法界即覺通也盡佛境界者亦以三藏四義四相全體大用攝盡佛之妙境此二句表其正由覺通如來盡佛境界所以通達無上善提然通之一字乃實証親見

非同文字比知又當知覺通二句乃躡前四加中即心即佛彼方將証未証此則實証又彼縱覺通而未盡境此則不但通而且盡所以增勝而為聖位矣華嚴說此菩薩善知諸地障與對治等十句皆言善知亦似通達末後結以轉入佛地方似盡境然通達地上修因之事恐未合此無上善提二經之旨似稍別也智者詳之結名歡喜者於所希望初得通達故也金光明云初證得出世之心昔所未得而今始得於大事用如其所願悉皆成就生極喜樂也二離垢地

異性入同同性亦滅名離垢地躡前位則覺通如來即九界異性入一佛境名異性入同始證必不忘於佛境而佛境常情即此便為清淨本然中之微垢也是須將此同性亦復滅除方所謂離垢清淨又若躡前四加中非心非佛彼方加功此亦實証也又彼非心非佛數量銷滅方是異性入同此復將此同性亦滅進證離垢亦見增勝而成二地聖位矣華嚴金光表離諸破戒之垢旨似頗異不必強同若以墮異墮同即名破戒此固甚深而亦似強合矣三發光地

釋義疏卷八

四十九

淨極明生名發光地淨極二字全躡離垢而言前位方以離垢未至離今復將離垢之離亦復遠離是為淨極真覺顯露是為明生譬如古鏡離垢之後更加拂拭則淨而生明自然之理蓋生佛異同情垢細障既淨無餘則本有照用顯洩而不容過密所謂淨極光通達也華嚴明此菩薩大發真淨六種神通意相似也結名發光即生明也四燄慧地明極覺滿名燄慧地明極躡前明生蓋前位如火始然光明始生未至

明滿此位則如火熾然成大猛聚惟識與金光皆言燒煩惱薪此雖理深亦必有微細惑障為其所燦絕也而言覺滿者蓋明稱性故言覺滿所謂寂照含虛空也華嚴此位全修助道三十七品所謂善提分法似正燒薪之意然文中乃表生法王家似同此經四住不可不詳細玩此諸地上文多約其所證理之淺深以立位次不同彼經多陳修斷來悟無黨但究義而較分判不可不觀觀之廣略而分勝劣也結名燄慧者表如燄之慧有燦絕之勝用而已五難勝地

一切同異所不能至各難勝地

首二句以初地覺通如來異性滅而惟一佛境二地同性滅而佛境亦忘初復清淨本然了無罣礙自此復經兩地由淨而明由明而滿則前之異同遠離之久故至此查不相及蓋理極圓融無復同異之可見結名難勝者一切世出世間迴不能齊況能過勝乎惟識謂此地真俗兩智行相相違合今相應極難勝故是彼真俗似類同異然彼合之最勝此則迴脫難齊極實偏圓旨趣有殊但相似而已⑤六現前地

無為真如性淨明露名現前地

夫自地前加功用行由賢希聖乃至入地銷異滅同明生覺滿由是迴超同異而有為功用最勝勝極無能勝者然而極盡有為則無為真如性方顯現故以現前名地良以同顯人發心即頓悟真如妙性忘情佛境然而五住未破心垢未除其於真如尚屬比知豈即親証今由似修而歷真修極盡有為功行將至無功用行故於斯地真如方始顯現初得親証然而真如全體大用當在八九兩地而八地真無功用此地方到無為始顯真如而已

楞嚴正脈卷八

五十一

又此但約性顯而名現前華嚴金光明功行顯現似亦殊旨故不煩引也⑦七遠行地

盡真如際名遠行地

前位真如方得顯現尚未全彰況能行盡此則盡其實際莫不徹至溫陵曰同異不至則真如淨性明露現前矣真如現前分証則局盡際乃遠迴超極造故名遠行吳興曰盡真如際者斯是無際之際理既無際行豈近乎○此經從五地同異不至則有為功用即已畢竟六地無為真理即已現前至此則真際全彰華嚴此地方明功用極至且但

言功用殊勝而總不言本理顯現似亦殊旨智者詳之⑧八不動地

一真如心名不動地

溫陵曰既盡其際乃全得其體一真凝常故名不動○六地真如方以顯現七地方以全彰而實未印用為已心今言一真如心者已心佛心二俱圓泯惟一真如本心印一真如法界而已名以不動者動即變也而如理精真一無變異故云爾也菩薩當住此地根身器界一塵一毛悉是真如自心所謂做法底源無動無壞以不動名之益自初

楞嚴正脈卷八

五十二

心領悟者至此而親証不謬矣華嚴此地方明十身互作又於此地而列十地別名亦有童真之號至偈明乎八住頗似同此經八住合前四住生貴之意推度不可不甄別也更俟後文以通伸詳辯⑨九善慧地又二⑩一正明本地

發真如用名善慧地

前位是得真如全體此位是發真如大用稱體起用自然之理華嚴金光明多指功行而此經似說本真自體自用前位如一塵一毛皆清淨本然周徧法界此位則一一互攝互入即徧即包等十玄業

用皆真如用也結名善慧應即法界無障礙智也問七行之塵界互現五向之依正互涉與斯何異答七行方有是行五向方有是願未說親証本真自體自用法爾本具者顯現發揮此真修位中相似親証故大不同詳此十聖行相與華嚴多所不同故推聖言以求至理非敢妄生去取若華嚴惟識金光皆言此地具四無礙辯為大法師最善說法然華嚴發明說法境界亦大不思議謂其能令有情無情徧演法音等資中曰華嚴名此菩薩具四無礙智作大法師演說無量阿僧祇句義無有

窮盡故名發真如用○予謂說法固亦可以說為發用然方是大用中一用耳故明用不遺說法而說法豈盡大用耶餘地皆不盡同此何必同乎故須具足十玄方為稱真之用然亦豈遺說法耶二結釋通名

阿難是諸菩薩從此已往修習畢功德圓滿亦曰此地名修習位

諸之一字非但只指九地已往者乃通指上位或惟四加以至九地以佛於四加前總結過四十一心顯彼是修位前諸方便心也此復總結故宜但

從四加顯修位耳修習下二句以自初心頓悟妙真如性由是歷位修斷以至於此真如全體大用親造實到無欠無餘故云爾也又若二句別以分屬自四加至六地修習畢功以次位印入無為故也自七地至九地功德圓滿謂真如本具性功德畢顯又後位但惟取證故也末二句明標自此以前通名修習而實彰顯後三位修意少而証意多也此亦不違相宗但以十地總修習位也⑪十法雲地

楞嚴正脈卷八

五十四

慈陰妙雲霞涅槃海名法雲地
舊解多種似各偏缺而名義亦不相顧吳興以上而次句以眾生本寂滅相為涅槃海是但利生也溫陵亦以眾生本寂滅相為涅槃海是但利生也以下句為如來果德而利生是但利生也而法雲地果德又法雲地字惟識謂大法智雲含眾德水克滿法身金光明謂法身如虛空智雲如大雲皆能徧滿一切故華嚴謂受大智雲增長無量智慧功德名為法雲地是皆以今別解法為法身雲為智雲總名法雲地是皆以今別解之上八字為義末四字結名義中慈妙是法慈目利他之悲妙自利之智陰雲是喻陰取庇潤之相雲取充滿之體悲如陰而智如雲二者俱有益覆之意故下句覆者稱合圓徧也良以悲智陰雲是十地圓滿因德涅槃海是十地將證未證之果